




# საშურის მოახბა



№7 (381)

27 თებერვალი, ორშაბათი, 2023 წელი

## იუსტიციის მინისტრი - ხაშურში

იუსტიციის სამინისტროს ერთ-ერთი პრიორიტეტული მიმართულება მოქალაქეთათვის სახელმწიფო სერვისებზე ხელმისაწვდომობის კიდევ უფრო გაუმჯობესებაა. ამ მიზნით იუსტიციის სახლის მშენებლობა ერთდროულად რამდენიმე ქალაქში – ხაშურში, ზესტაფონსა და სამტრედიასში მიმდინარეობს. ინტენსიური სამშენებლო სამუშაოები ხაშურსა და ზესტაფონში იუსტიციის მინისტრმა რატი ბრეგვაძემ მოადგილესთან, ერეკლე ღვინიაიძესთან, ერთად დაათვალიერა.

იუსტიციის სახლის 470-მდე სერვისით სარგებლობას ხაშურისა და ზესტაფონის მოსახლეობა უკვე მიმდინარე წელს შეძლებს და ყველა სახის სახელმწიფო მომსახურებას ერთ სივრცესა და კომფორტულ გარემოში მიიღებს.

მომსახურების დარბაზის გარდა, ახალ ფილიალებში თანამედროვე ინტერიერის საქორწინო-სარიტუალო სივრცე მოეწყობა. შენობებში იუსტიციის სამინისტროს მმართველობის სფეროში მოქმედი სსიპების ოფისებიც განთავსდება, რომლებიც ამ დრომდე მოძველებულ ინფრასტრუქტურაში ფუნქციონირებენ.

ხაშურის ფილიალი შიდა ქართლის რეგიონში მეცხრე იუსტიციის სახლი იქნება, ზესტაფონის იუსტიციის სახლი კი, იმერეთში რიგით 23-ეა.

დღეისათვის ქვეყნის მასშტაბით 117 იუსტიციის სახლი მოქალაქეებს ერთი ფანჯრის პრინციპით სხვადასხვა საჯარო უწყებისა და კერძო სექტორის 470- ზე მეტ სერვისს სთავაზობს.



## ხაშურის მუნიციპალიტეტის მერიაში, დიმიტრი ყიფიანის სახელობის სკვერში, საზოგადო მოღვაწის დიმიტრი ყიფიანის ბიუსტის განთავსების საკითხებზე იმსჯელეს

დიმიტრი ყიფიანის ბიუსტის კრიტერიუმებისა და საუკეთესო ესკიზის ავტორის გამომგენმა სამუშაო ჯგუფმა, ამ მიმართულებით, საქართველოს კულტურის, სპორტისა და ახალგაზრდობის სამინისტროსთან შეთანხმებით, ძეგლის განთავსების კრიტერიუმებზე იმსჯელა.

აღსანიშნავია, რომ სამუშაო ჯგუფი დაკომპლექტებულია როგორც მუნიციპალიტეტის მერიისა და საკრებულოს ხელმძღვანელი პირებისგან, ასევე, სამუშაოზე გაერთიანების წარმომადგენლებისა და დიმიტრი ყიფიანის შთამომავლებისგან.

აღსანიშნავია, რომ ქალაქ ხაშურში, დიმიტრი ყიფიანის სახელობის სკვერს ახლახან ჩაუტარდა რეაბილიტაცია. სამუშაო ჯგუფის მოსაზრებით, მნიშვნელოვანია სკვერში ბიუსტის განთავსება.

იმედია საკონკურსო პროცედურები ჩქარა დამთავრდება და, უახლოეს მომავალში, ჩვენი ქალაქის მთავარ მოედანს დიდი მამულიშვილის ძეგლი დაამშვენებს.

## საქმიანი შეხვედრა USAID-ის „ძლიერი სოფლის პროგრამის“ გუნდის წევრებთან

ხაშურის მუნიციპალიტეტის საკრებულოს თავმჯდომარე ნინო ლიპარტელიანი, ხაშურის მუნიციპალიტეტის მერის მოადგილე ზვიად ქურდაძე, საკრებულოს თავმჯდომარის მოადგილე ცოტნე ნოზაძე და იურიდიული სამსახურის ხელმძღვანელი დავით ღვალაძე USAID-ის ძლიერი სოფლის პროგრამის გუნდის წევრებს შეხვდნენ.

შეხვედრაზე იმსჯელეს ხაშურის მუნიციპალიტეტის სტრატეგიის დოკუმენტის შექმნის საჭიროების და ამ მიმართულებით შესაბამის დოკუმენტზე სამუშაო ჯგუფის ფორმირების შესახებ.

შეხვედრაზე აღინიშნა, რომ საქართველოს მთავრობას 2022 წლის 15 თებერვალს მიღებული აქვს განკარგულება, რომელიც დეტალურად განსაზღვრავს სამუშაო ჯგუფის ფორმირებისა და მუნიციპალური განვითარების სტრატეგიის შემუშავების პროცესს. სამუშაო ჯგუფის შემდგომი საქმიანობაც აღნიშნული განკარგულებით დარეგულირდება.

USAID-ის ძლიერი სოფლის პროგრამის ფარგლებში, ხაშურის მუნიციპალიტეტი ერთ-ერთი პირველია სამიზნე მუნიციპალიტეტებიდან, სადაც სტრატეგიის დოკუმენტზე მუშაობა უნდა დაიწყო.



# სოფლის მხარდაჭერის პროგრამა 2023 წელი

| №  | ტერიტორიული ერთეული | დასახლების სახელწოდება | საპროექტო წინადადება   | პროექტის საორიენტაციო ზღვრული ღირებულება, ლარი | ადგილობრივი ბიუჯეტის თანადაფინანსება | პროექტის სული ღირებულება |
|----|---------------------|------------------------|--|--|--------------------------------------|--------------------------|
| 1  | ალი                 | ალი                    | სანიაღვრე არხების მოწყობა  | 20 000   | 0                                    | 0                        |
| 2  |                     | ბრილი                  | სანიაღვრე არხის მოწყობა  | 12 000   | 0                                    | 0                        |
| 3  |                     | ახალუბანი              | ბეტონის საფარის მოწყობა  | 10 000   | 0                                    | 0                        |
| 4  |                     | დუმაცხოვი              | ბეტონის საფარის მოწყობა  | 10 000   | 0                                    | 0                        |
| 5  |                     | ზემო აძვისი            | შიდა საუბნო გზების მოხრეშვა  | 10 000   | 0                                    | 0                        |
| 6  |                     | კლდისწყარო             | მისასვლელ გზაზე ბეტონის საფარის მოწყობა  | 10 000   | 0                                    | 0                        |
| 7  |                     | ცხეთიჯვარი             | არტეზიული ჭის და მაგისტრალის მოწყობა   | 10 000   | 0                                    | 0                        |
| 8  |                     | უწლევი                 | ნაპირსამაგრის მოწყობა  | 10 000   | 0                                    | 0                        |
| 9  |                     | ნაბახტევი              | მოსაცდელელების მოწყობა   | 16 000   | 0                                    | 0                        |
| 10 |                     | ქინძათი                | სასმელი წყლის სათავე ნაგებობის და მაგისტრალის მოწყობა  | 12 000   | 0                                    | 0                        |
|    |                     |                        | ჯამი:  | 120 000  | 0                                    | 0                        |
| 11 | გომი                | გომი                   | სასაფლაოს შემოღობვა და კეთილმოწყობა  | 30 000   | 0                                    | 0                        |
| 12 |                     | ხიდის ყური             |  |  | 0                                    | 0                        |
| 13 |                     | ვაყა                   | სკვერის მოწყობა  | 20 000   | 0                                    | 0                        |
| 14 |                     | ქვემო აძვისი           | სანიაღვრის მოწყობა   | 10 000   | 0                                    | 0                        |
| 15 |                     | დიდი სატივე            | სკვერის მოწყობა  | 22 000   | 0                                    | 0                        |
| 16 |                     | პატარა სატივე          |  |  | 0                                    | 0                        |
| 17 |                     | აგარები                | სკვერის შემოღობვა და კეთილმოწყობა  | 10 000   | 0                                    | 0                        |
|    |                     |                        | ჯამი:  | 92 000   | 0                                    | 0                        |
| 18 | ოსიაური             | ზემო ოსიაური           | ზემო უბანში დასასვენებელი მინი სკვერის მოწყობა   | 20 000   | 0                                    | 0                        |
| 19 |                     | ქვემო ოსიაური          | ბატონის ბაღის სკვერის რეაბილიტაცია/ მოწყობა და ბილიკების მოპირკეთება                         | 16 000   | 0                                    | 0                        |
| 20 |                     | ახალსოფელი             | სოფელში ალტერნატიული შემოსასვლელი გზის ე.წ. რკინიგზის პარალელურად გამავალი გზის რეაბილიტაცია | 10 000   | 0                                    | 0                        |
| 21 |                     | ნარუჯები               | არსებული წყალმომარაგების ქსელის დადრმავება და ავარიული ტუმბოს გამოცვლა                       | 10 000   | 0                                    | 0                        |
|    |                     |                        | ნარუჯები-პატარა ხალების დამაკავშირებელი გზის მოხრეშვა  |  | 0                                    | 0                        |
| 22 |                     | ლუდა                   | მისასვლელი გზის ერთერთ მონაკვეთზე ბეტონის საფარის მოწყობა                                    | 10 000   | 0                                    | 0                        |
|    |                     |                        | ჯამი:  | 66 000   | 0                                    | 0                        |
| 23 | დაბა სურამი         | დიდი ბეკამი            | სანიაღვრეების მოწყობა  | 10 000   | 0                                    | 0                        |
| 24 |                     | პატარა ბეკამი          | სანიაღვრე არხების მოწყობა დასრულება  | 12 000   | 0                                    | 0                        |
| 25 |                     | ურთხვა                 | შიდა გზების რეაბილიტაცია (მოხრეშვა- მომანდაკება)   | 10 000   | 0                                    | 0                        |
| 26 |                     | ზევოტა                 | შიდა გზების მოხრეშვა-მომანდაკება   | 10 000   | 0                                    | 0                        |
| 27 |                     | ბიჯნისი                | სოფლის ცენტრში წყაროს კეთილმოწყობა და ტაძრისკენ გარე განათების მოწყობა                       | 12 000   | 0                                    | 0                        |
| 28 |                     | დაბა სურამი            | სანიაღვრეების მოწყობა კაკალათხევის დასახლებაში   | 20 000   | 0                                    | 0                        |
|    |                     |                        | ჯამი:  | 74 000   | 0                                    | 0                        |
| 29 | ფლევი               | დიდი ფლევი             | სკვერის მოწყობა  | 12 000   | 0                                    | 0                        |
| 30 |                     | პატარა ფლევი           | ატრაქციონების მოწყობა  | 10 000   | 0                                    | 0                        |
| 31 |                     | ნაცარგორა              | გარე ტრენაჟორების მოწყობა  | 12 000   | 0                                    | 0                        |
| 32 |                     | ტკოცა                  | სასაფლაოს შემოღობვა  | 16 000   | 0                                    | 0                        |
|    |                     |                        | ჯამი:  | 50 000   | 0                                    | 0                        |
| 33 | ქვიშხეთი            | ქვიშხეთი               | სტადიონის შემოღობვა (ჭალისუბანი)   | 20 000   | 0                                    | 0                        |
| 34 |                     | ტაშისკარი              | ფანჩატურის მოწყობა   | 12 000   | 0                                    | 0                        |
| 35 |                     | მონასტერი              | სასაფლაომდე მისასვლელი გზის ბეტონის საფარის და მილხიდის მოწყობა                              | 10 000   | 0                                    | 0                        |
| 36 |                     | ბელეთი                 | ბეტონის გზის საფარის მოწყობის სამუშაოების გაგრძელება   | 10 000   | 0                                    | 0                        |
| 37 |                     | ბულბულისციხე           | სასაფლაომდე მისასვლელი გზის ბეტონის საფარის მოწყობის სამუშაოების დასრულება                   | 10 000   | 0                                    | 0                        |
| 38 |                     | სათივე                 | სკვერის მოწყობა  | 10 000   | 0                                    | 0                        |
| 39 |                     | სარმანიშვილისკარი      | სასმელი წლის სისტემის რეაბილიტაციის დასრულება  | 10 000   | 0                                    | 0                        |

|    |          |                 |   |         |        |   |
|----|----------|-----------------|---|---------|--------|---|
| 40 |          | ტეზერი          | ხაზუტის ტეზერში სასმელი წყლის სათავე ნაგებობის მოწყობა (ბირკაძეების უბანი)  | 16 000  | 0      | 0 |
| 41 |          | ყიფიანთუბანი    | ზედა უბანში ბეტონის გზის საფარის მოწყობის სამუშაოების გაგრძელება  | 12 000  | 0      | 0 |
| 42 |          | სავანისუბანი    | სანიაღვრე არხის მოწყობა   | 12 000  | 0      | 0 |
| 43 |          | რუსაანთუბანი    | ბეტონის გზის საფარის მოწყობის სამუშაოების დასრულება   | 10 000  | 0      | 0 |
|    |          |                 | ჯამი:   | 132 000 | 0      | 0 |
| 44 | ცხრამუხა | ცხრამუხა        | სოფლის შესასვლელში ხიდის რეაბილიტაცია და განათება. ცენტრალური ქუჩის გამწვანება. სოფ. ცენტრში განათების მოწყობა. სკვერში კარების მოწყობა დამცავი ჯებირით. სკამების შეკეთება სკვერში. | 20 000  | 0      | 0 |
| 45 |          | თავკეთი         | ბეტონის გზის მოწყობა  | 10 000  | 0      | 0 |
| 46 |          | რბონა           | ბეტონის გზის მოწყობა სოფლის გზის ერთართ მონაკვეთზე  | 10 000  | 0      | 0 |
| 47 |          | დამჩხეულა       | გოგალაძეების და ტაბატაძეების სასაფლაომდე გზის მოხრეშვა  | 10 000  | 0      | 0 |
| 48 |          | ქაშვეთი         | სასაფლაომდე მისასვლელი გზის მოხრეშვა  | 10 000  | 0      | 0 |
| 49 |          | ჯვართმუხა       | ბეტონის გზის მოწყობა გზის ერთ მონაკვეთზე  | 10 000  | 0      | 0 |
| 50 |          | კოდისწყარო      | სათავე ნაგებობის მოწყობა  | 10 000  | 0      | 0 |
|    |          |                 |   | ჯამი:   | 80 000 | 0 |
| 51 | ცოცხნარა | ქემფერი         | 2 ფანჩატურის მოწყობა და მიმდებარე ტერიტორიის კეთილმოწყობა   | 12 000  | 0      | 0 |
| 52 |          | ცოცხნარა        | ბეტონის საფარიანი გზის მოწყობა  | 12 000  | 0      | 0 |
| 53 |          | წაბლოვანა       | შიდა საუბნო გზის მოხრეშვა   | 10 000  | 0      | 0 |
| 55 |          | ცედანი          | საბავშვო სკვერის მოწყობა  | 10 000  | 0      | 0 |
| 56 |          | ოდისი           | საბავშვო სკვერის მოწყობა  | 10 000  | 0      | 0 |
| 57 |          | ცივწყარო        | შიდა საუბნო გზის მოხრეშვა და წყალგამტარი მილის მოწყობა  | 10 000  | 0      | 0 |
|    |          |                 |   | ჯამი:   | 64 000 | 0 |
| 58 | წალვლი   | წალვლი          | ხელოვნურ საფარიანი მინი სტადიონის მშენებლობის დასრულება   | 16 000  | 0      | 0 |
| 59 |          | კლდისწყარო      | მინი სტადიონის მშენებლობის გაგრძელება   | 20 000  | 0      | 0 |
| 60 |          | ქვემო ბროლოსანი |   |         | 0      | 0 |
| 61 |          | ზემო ბროლოსანი  | სოფელთან მისასვლელ გზაზე ბეტონის საფარის დაგება   | 10 000  | 0      | 0 |
| 62 |          | ჩორჩანა         | საზოგადოებრივი თავშეყრის შენობის კეთილმოწყობის სამუშაოების გაგრძელება   | 10 000  | 0      | 0 |
| 63 |          | წელვერი         | სოფელთან მისასვლელ გზაზე ბეტონის საფარის დაგების სამუშაოების დასრულება  | 10 000  | 0      | 0 |
| 64 |          | ტიტვინისწყარო   | სოფელთან მისასვლელ გზაზე ბეტონის საფარის დაგების სამუშაოების გაგრძელება   | 10 000  | 0      | 0 |
|    |          |                 |   | ჯამი:   | 76 000 | 0 |
| 65 | წრომი    | წრომი           | დასასვენებელი სკვერის მოწყობა   | 12 000  | 0      | 0 |
| 66 |          | ახალშენი        | სოფლის შიდა გზაზე ბეტონის გზის დაგება   | 10 000  | 0      | 0 |
| 67 |          | ნადარბაზევი     | გზის რთულ მონაკვეთზე ბეტონის გზის დაგება  | 10 000  | 0      | 0 |
| 68 |          | იმერლიანთკარი   | წყლის სისტემის მოწყობა  | 10 000  | 0      | 0 |
| 69 |          | დიდი ყელეთი     | საერთო სარგებლობის გზის რთულ მონაკვეთზე ბეტონის გზის დაგება   | 20 000  | 0      | 0 |
| 70 |          | პატარა ყელეთი   |   |         | 0      | 0 |
|    |          |                 |   | ჯამი:   | 62 000 | 0 |
| 72 | ხცისი    | ხცისი           | სასმელი წყლის სისტემის მოწყობა  | 16 000  | 0      | 0 |
| 73 |          | მიწობი          | სასმელი წყლის სისტემის მოწყობა  | 12 000  | 0      | 0 |
| 74 |          | კრისხევი        | არსებული მინი სტადიონის რეაბილიტაცია  | 10 000  | 0      | 0 |
|    |          |                 | ჯამი:   | 38 000  | 0      | 0 |
| 75 | ხალეები  | დიდი ხალეები    | სოფელში არსებული გზის რეაბილიტაცია, ბეტონის საფარის მოწყობა გარკვეულ მონაკვეთებზე   | 10 000  | 0      | 0 |
| 76 |          | პატარა ხალეები  | სოფელში არსებული გზის რეაბილიტაცია, ბეტონის საფარის მოწყობა გარკვეულ მონაკვეთებზე   | 10 000  | 0      | 0 |
| 77 |          | ღართა           | სოფელში არსებული გზის რეაბილიტაცია, ბეტონის საფარის მოწყობა გარკვეულ მონაკვეთებზე   | 10 000  | 0      | 0 |
| 78 |          | სარტყელა        | სოფელში არსებული გზის რეაბილიტაცია, ბეტონის საფარის მოწყობა გარკვეულ მონაკვეთებზე   | 10 000  | 0      | 0 |
| 79 |          | ღვრიანწყალი     | სოფლის მოსახლეობის სასმელი წყლით უზრუნველყოფა   | 10 000  | 0      | 0 |
|    |          |                 | ჯამი:   | 50 000  | 0      | 0 |
|    |          |                 | სულ ჯამი:   | 904 000 | 0      | 0 |

(გაგრძელება. დასაწყისი იხ. „ბმ“ #21,22,23,24,25,26,27,28,29 2020 წ. 2021 წ. #1,2,3,4,5,6,7,8,9,10,11,12,13,14,15,16,17,18,19,20,21,22,23,24,25,26,29,31,33, 34,35,40,41,42,43..2022 წ. #1, 2,3,4,5,6,7,8,9,10,11,12,13,14,15,16,17,18,19,20,21,22,23,24,25,26,27,28,29,30,31,32,33,34,35,36,37,38,39,40,41,46,47,48,49,50. 2023წ.#1,2,3)

ჩვენ მათთან შედარებით უფრო პატარები ვიყავით და ამიტომ ფეხბურთის ცალკე გუნდი ჩამოვყალიბეთ. პირველი ასეთი გუნდი იყო გიმნაზიის (ესეა ქალაქის 1 საშუალო სკოლა) უბნის გუნდი „პატარა კახი“, რომლის ორგანიზატორი „მომნათელი“ და პირველი კაპიტანიც ამ სტრუქტურის ავტორი გახლდათ... „პატარა კახის“ გუნდში მოთამაშე ფეხბურთელები იყვნენ ვანო და კოწია ბარბაქაძეები, ირაკლი მექერიშვილი, ლადო ხუჭუა, გოგია და ვასო აბაიაძეები, კოლა ჭანკვეტაძე, საშა ჯაფარაშვილი, სულიკო ჩუბინიძე, გურგენა ჭკუასელიძე, ვასო ჭკუასელი, კოლა და სოვრატა ქიტიაშვილები, ნიკო ტატიშვილი, პავლე მოსიგვეი, ვახტანგ ნარსია, გრიშა ჯომარტიძე, ვალია გიორგაძე, გურგენა ხაჩიძე, ლეო და პეტია თომაძეები და სხვები. რამდენიმე ხნის შემდეგ „ზდანიებში“ (რკინიგზელების საუწყებო საცხოვრებელ შენობებს, მაშინ ასე უწოდებდნენ), ჩამოყალიბდა ფეხბურთელთა გუნდი „ორბი“, რომლის ორგანიზატორი და პირველი კაპიტანი იყო პეტია ჯავახიძე. „ორბში“ თამაშობდნენ ბონდო და პეტია ცქიტიშვილები, პავლე ჯავახიძე და სხვა „ზდანიელი“ ახალგაზრდები.

აი, ფეხბურთის ეს ორი გუნდი, პირველ რიგში, ხოლო შემდეგ მესამე - „ჭაღის“ გუნდიც, რომელიც შალიკო გურემიძის ხელმძღვანელობით ჩამოყალიბდა და რომლის პირველი კაპიტანიც თვითონ იყო, შესდგებოდა უმთავრესად ჭაღის დასახლების ახალგაზრდებისაგან, - იცავდნენ მაშინდელ ხაშურის სპორტულ სახელს და ცუდათაც არ თამაშობდნენ, ამას მოწმობს ურთიერთშორის გამართული შეჯიბრებები, აგრეთვე გამარჯვებები, რომელსაც ჩვენ ვაღწევდით ხოლმე სურამში, ბორჯომში, ახალდაბაში, გორში, ზესტაფონში და სხვაგან. ვთამაშობდით ამ ადგილებში ჩამოსულ თბილისელ მოაგარაკებთანაც და თითქმის ყოველთვის ვიმარჯვებდით“.

გიორგი ნაცვლიშვილი: „ჩემი ფიზკულტურულ-სპორტული მუშაობა მოიცავს 1925-1936 წლებს... მაშინ ნაკლებად ვიფარგლებოდით სპორტის რომელიმე ცალკე სახეობით და მრავალფეროვნებას ვეძებდით (ტანვარჯიშს, მძლეოსნობას და განსაკუთრებით კი ფეხბურთს). ფეხბურთის სექციას შეფობდა რკინიგზის პროფკავშირი, სხვა სექციების მუშაობით ნაკლებად იყვნენ დაინტერესებული და ძირითადად სპორტის ამ სახეობაში გვიხდებოდა სხვა გუნდების გამასპინძლებაც და ჩვენს გუნდს გამგზავრებაც. ხაშურში რომელი და რამდენ გუნდთან გვექონდა შეხვედრა ზუსტად ვერ გეტყვით, სხვა გუნდებთან შეხვედრებიდან მაგონდება სურამის, ბორჯომის, ზესტაფონის, სამტრედიის, ფოთის, ჭიათურის, განჯის, გორის და თბილისის ფეხბურთელებთან ჩატარებული მატჩები. ტანვარჯიშსა და მძლეოსნობაში მონაწილეობა თბილისის, ზესტაფონის და სამტრედიის გუნდებთან შეხვედრები.“

მინდა დავძინო ის, რომ როდესაც ხაშურში კულტურულ-სპორტული მოპრობის განვითარებას ეხება საკითხი, აღსანიშნავია „ძმა“-ს კვანჭახაძის ამ პერიოდში მოღვაწეობა. ახალგაზრდობა მანამდეც მისდევდა ვარჯიშს სპორტის ამა თუ იმ სახეში, მაგრამ ამას არ ჰქონდა სტაბილური ხასიათი. არ იყო ორგანიზებული და უფრო სეზონურ ხასიათს ატარებდა. ვფიქრობ „ძმა“ სოლოს მუშაობა ამ მხრივ აღსანიშნავია“. შოთა ნოზაძე: „1928 წელს ხაშურში სათამაშოდ ჩამოვიდა ბაქოს გუნდი. მას ეთამაშა ხაშურის ნაკრები, რომელმაც გამარჯვებით დაამთავრა ეს საქალაქთაშორისო შეხვედრა...“

აქვე მინდა გავიხსენო ერთი ამბავი, როცა 1936 წელს თბილისის „დინამო“ თავის პირველ წარმატებებს მიაღწია, საუბარი მქონდა ბორის პაიჭაძესთან. ვუმტკიცებდი, რომ ხაშურში არის მეტად პერსპექტიული ახალგაზრდა ფეხბურთელი გ. ხაჩიძე, რომელიც ერთნაირი სიძლიერით თამაშობდა ნახევარდაცვაშიც და თავდასხმაშიც. ბ. პაიჭაძემ გულისტკივილით მიპასუხა, რომ კარგად ვიცნობ ამ ნიჭიერ ფეხბურთელს, მაგრამ ვერაფრით ვერ დავითანხმებ თბილისში გადასვლაზე. მან ისიც მოხვია, ჩემი მხრივ, ცალკე მომთაბარაკა გ. ხაჩიძესთან.

ჩავედი ხაშურში და ა. ჭიკაბაძის, ა. რატას, გ. ჭუმბაძის და ბარბაქაძეების დახმარებით დავითანხმე ხაჩიძე გადასულიყო თბილისში. საქმე თითქოს მოთავსებული იყო, მაგრამ მოხდა უბედური შემთხვევა: გ. ხაჩიძე ტრაგიკულად დაიღუპა ელმავალზე დენით“.

20-იან წლებში ხაშურში ფეხბურთთან ერთად განსაკუთრებული პოპულარობით სარგებლობდა მძლეოსნობა, კალათბურთი, ფრენბურთი, ტანვარჯიში. „ამ პერიოდში, - იგონებდა მოგვიანებით ა. ჭიკაბაძე, - სახელგანთქმული სპორტსმენები იყვნენ შალიკო ნაცვლიშვილი, მისი ღერძზე შესრულებული „მზე“ ესეცა ისევე მიდგას თვალწინ და მახარებს, როგორც ეს იყო 34-35 წლის წინ, - უღამაზესი ტანის, თანაც ლამაზი სპორტსმენი, მართლა დიდებული სანახავე იყო ღერძზე ვარჯიშის დროს. ასევე ლამაზი იყო მაღალი ტანის მორბენალი იოსებ (იოსკა) ქურდაძეც, გიორგი (ჟორა) ნაცვლიშვილი, კარგნი იყვნენ ვალია ყიფიანი, გრიგოლ სხირტლაძე და სხვები“.

ტანვარჯიშს ქალებიც მისდევდნენ. 1961 წელს სოფლის მეურნეობის მეცნიერებათა კანდიდატი ელისაბედ (ლიზა) ოყროშიძე იგონებდა: „არ გადავაჭარბებ თუ ვიტყვი, რომ ისეთი ძლიერი ტანმომარჯიშე ქალი, როგორიც მე ვიყავი, მაშინ 20-30-იან წლებში ხაშურში არავინ იყო. უფრო გვიან პირველობას ვეძებდით თბილისშიც. შეიძლება ეს იმითაც აიხსნას, რომ იმხნად თითზე ჩამოსათვლელი იყო სპორტსმენი ქალები.“

ტანვარჯიშის სექციაში იმ დროს ისეთი მოვარჯიშეები იყვნენ, რომ ვფიქრობ, საქართველოს არც ერთ რაიონს და არც თბილისს არ ყავდა. მასსოვს, გულო ბერიძე, ვირტუოზი იყო ღერძზე ყირებით და თარაზობით, ასევე მიშა ჩიტიაშვილი. კარგი მოვარჯიშეები იყვნენ ასევე ჟორა ნაცვლიშვილი, ვანო ქურდაძე, ძინძიბაძე, ერასტი ბარბაქაძე, კოლა ჭანკვეტაძე.

ს. კვაჭახაძის ხელმძღვანელობით სადამოებდა და საჩვენებელ ვარჯიშებს ვაწყოვდით რკინიგზელთა კლუბში, სკოლის ეზოში. ერთხელ სტალინშიც (ცხინვალი) ჩავედით სადამოს ჩასატარებლად. მასსოვს რა წვადებით გავიარეთ გზა ფეხით ქარელიდან სტალინშიამდე. ვაუბს (ჟ. ნაცვლიშვილს, ქურდაძეს, ძინძიბაძეს) ხელით მოჰქონდათ სავარჯიშო იარაღები, მაგრამ ნასიამოვნები დაგბრუნდით უკან. დიდძალი ახალგაზრდობა მოაწვდა ლიახვის გადმა მდებარე თეატრს, სადაც სადამო გაემართეთ. 1928 წელს თბილისის ქიმიურ ტექნიკუმში განვაგრძე სწავლა, მაგრამ ხაშურის ფიზკულტურული კოლექტივი მაინც არ

მიმიტოვებია. არდადადების დღეებს მათთან ვარჯიშსა და თამაშში ვატარებდი. 1932 წელს პირველად მივიღე მონაწილეობა საკავშირო შეჯიბრებაში მოსკოვში - მაშინ უკვე ჩამოყალიბებული ტანმომარჯიშე ვიყავი. მას შემდეგ სტუდენტობის წლებშიც ყოველწლიურად გამოვდიოდი საკავშირო შეჯიბრებაზე და წარმატებებსაც ვაღწევდი“.

რატია: „1927 წლიდან მოყოლებული 1932-1933 წლებამდე, და მეგრეც, ხაშურის გუნდი საქართველოში ერთ-ერთი საუკეთესო გუნდი იყო. თვით ფეხბურთელების მიერ მოწყობილი იქნა მშვენიერი სტადიონი „გიმნაზიის მინდორზე“, სადაც ქალაქის კულტურისა და დასვენების პარკია. ხშირად იმართებოდა შეჯიბრება რესპუბლიკის სხვადასხვა გუნდებს შორის. უმეტეს წილად ხაშურის გუნდი გამოდიოდა გამარჯვებული, თანაც ხალხიც ბევრი ესწრებოდა...“

იმ წლებში ხაშურის ღირსებას ძირითადად იცავდნენ: მეკარეები ალექსანდრე (ბიჭიკო) ძიძიგური და გიორგი ჭუმბაძე, დამცველები ალიოშა ბარანოვსკი, გიორგი (ბებერო) თუთისანი, ნახევარმცველები გიორგი (ტულო) ბერიძე, ვალია გიორგაძე, ნიკოლოზ (კოლა) სირაძე, შუა ნახევარმცველი პეტრე (პეტა) ჯავახაძე, თავდასხმელები ალექსანდრე (შურა) რატია, კონსტანტინე (კოწია) ბარბაქაძე, ერასტი ბარბაქაძე, სოლომონ (სულიკო) კვანჭახაძე, ვახტანგ ჩიქოვანი, გურგენ ხაჩიძე, კონსტანტინე (კოწო) მოწონელიძე. სათადარიგოდ კი ბევრი ნიჭიერი ახალგაზრდობაც იყო“.

30-იან წლებში ხაშურში ველოსპორტის მიმდევრებიც გამოჩნდნენ. ა. ჭიკაბაძე იგონებს: „1933 წელს ოსტატად დავიწყო მუშაობა ხაშურის საელმწიკო დეპოში. მაშინ დეპოს კომკავშირის კომიტეტის მდივნად მუშაობდა შალვა გურეშიძე. სპორტისმოყვარულებმა მალე გამოვნახეთ საერთო ენა - შეიქმნა ველოსიპედისტთა ჯგუფი.“

კარგად მახსოვს, 1934 წლის 1 მაისის დღესასწაული. მშრომელთა დემონსტრაციაში მონაწილეობა მივიღეთ ველოსიპედისტთა კოლონამ. მის გამოჩენას არავინ

მოელოდა და მქუხარე ტაშით დაგვაჯილდოვეს. მალე ველოსიპედი მტკიცედ დამკვიდრდა ხაშურელთა სპორტულ ცხოვრებაში. პირველი სახელოვანი ხაშურელი ველოსიპედისტი იყვნენ გრიშა კახეთელიძე, ინჟინერი მიშა ბითაძე, ვალოდია ფრანჩუკი, ირაკლი კაკაბაძე, რუბენ არუთინოვი და სხვები.

1935 წელს მოეწყო პირველი ველოგადარბენა მარშუტით ხაშური-ბორჯომი-ახალციხე-ახალსუფიანი-ხაშური. მომდევნო წელს ველოგადარბენის მარშუტი იყო ხაშური-სტალინური-კურორტი ჯავა-ხაშური.

სპორტსმენთა ერთი ჯგუფი აღპინიზმსაც ვეძებდით. 1934 წელს მოვაწვეეთ ასვლა დამისთვეით „ლორის ნამკალზე“. კარგად მახსოვს, რომ მწვერვალის აღმოსავლეთ კალთაზე მიწაში ჩაფლავით სამასსოვრო ბოთლი სათანადოდ წარწერილი „ხაშურელმა ფეხბურთელებმა განსაკუთრებულ წარმატებებს 40-იან წლებში მიაღწიეს.“

გ. ჯომარტიძე: „ჩვენი რაიონის ფეხბურთელთა კოლექტივი კარგად გამოიყურებოდა 1948-1952 წლებშიც. 1949 გუნდმა საქართველოს სსრ პირველობაზე - ქუთაისის შემდეგ - მეორე ადგილი დაიკავა. გუნდს 3-ჯერ ჰქონდა „ლოკომოტივის“ საგზაო თასი“.

ალექსი (ალუა) გოგოლაძის ცნობით ხაშურში 1944 წელს ფეხბურთის სამი გუნდი იყო: განათლების განყოფილების, რკინიგზის კვანძისა და ფიზკულტურის კომიტეტის. „ამ გუნდებში თამაშობდნენ იმდროინდელი ახალგაზრდა ფეხბურთელთა თაობა. ფიზკულტურის კომიტეტის თავმჯდომარედ მუშაობდა გივი შანიძე, რომელმაც მიმიწვია მე, როგორც უფროსი თაობის ფეხბურთელი და დამავალა რაიონის ნაკრების შექმნა. ზემოთ ჩამოთვლილი გუნდებიდან შერჩეული იქნა ფეხბურთელები და რკინიგზის ფიზკულტურის კომიტეტისა და რაიონული ფიზკულტურის კომიტეტის ბაზაზე შეთანხმებით შეიქმნა რაიონული ფეხბურთის ნაკრები, ხელმძღვანელობა დამევადა მე. 1944 წელს ემონაწილეობდით საქართველოს პირველობაზე და დიდ წარმატებასაც ვაღწევდით. მასსოვს შეხვედრა გვექონდა ახალციხის რაიონის ნაკრებთან და დიდი ანგარიშით მოვიგეთ... რამდენიმე დღის შემდეგ მატჩი გვექონდა თბილისის საავიაციო ქარხნის გუნდთან... ჩვენ ამ ქარხნის ძლიერ გუნდთან თამაშს ფრედ ვამთავრებდით, მაგრამ თამაშის ბოლო წუთებზე თერთმეტმეტრიანმა იხსნა თბილისელები...“

ჩვენ იმის გამო, რომ ხაშურში არ გვექონდა სტადიონი, თამაშებს ვატარებდით სხვების სტადიონზე. ჩვენი გუნდი იმ წელს საქართველოს პირველობაზე მეორე ადგილზე გამოვიდა, ჩემპიონის გამოსავლენად თამაში დაინიშნა თბილისში.

განსაკუთრებით მინდა აღვნიშნო კეთილშობილი, საყვარელი, საქმიანი და კარგი ადამიანის, რაიკომის იმდროინდელი მდივნის გრიგოლ ფოფხაძის კეთილი და მზრუნველი დამოკიდებულება ფეხბურთის მიმართ. მან გამოუძახა რკინიგზის ხელმძღვანელებს და ერთ თვეში აშენებულ იქნა რაიონის ძალებით სტადიონი. მშენებლობაში მონაწილეობდნენ რკინიგზის მუშა-მოსამსახურეები და ქალაქის მოსახლეობაც. იმ პერიოდში ერთ თვეში სტადიონის აშენება დიდი საქმე იყო. ასეთი ყურადღებისა და მზრუნველობისათვის ფეხბურთელები ყველა დონეს ხმარობდნენ თამაშის მოგებისთვის. ქუთაისის გუნდ „ტორპედოსთან“ თამაშს ესწრებოდა რაიკომის მდივანი გრიგოლ ფოფხაძე, რაიონის სხვა ხელმძღვანელები... რაიონის ნაკრებს თანაუგრძობდა და გულშემატკივრად გაუხდა რაიონის მოსახლეობის დიდი ნაწილი... 1946 წელში პირველობაზე გამარჯვებასთან დაკავშირებით თასის გადაცემის ცერემონიალი აღბეჭდილია კინო-ფირზე და ფილმოსკოპთან ერთად გადავიცი ხაშურის მხარეთმცოდნეობის მუზეუმს.

1946 წელს საქართველოს პირველობაზე ქუთაისის „ტორპედოს“ შემდეგ ჩვენმა ნაკრებმა დაიკავა მეორე ადგილი, ივნისის თვიდან გადავიდით სპორტულ რეჟიმზე - შეკრება გვექონდა ელდუპოს სასტუმროში... გუნდი ისე გაძლიერდა, რომ რკინიგზის ხელმძღვანელობამ შექმნა „ლოკომოტივის“ ფეხბურთის საბჭო და მის ხელმძღვანელად ექიმი ლუტო ალბრეხტი დაინიშნა.

1944-1947 წლებში სამჯერ მოვიპოვეთ „ლოკომოტივის“ პირველობა და თასი. გუნდის იმდროინდელი შემადგენლობა ასეთი იყო: ვასილ ნემსაძე, ტ. დეკანოზიშვილი, რუბენ გასპაროვი, ვასია დერევიანიძე, პორფირე მადრაძე, არჩილ მაჭარაშვილი, ვახტანგ ბარბაქაძე, შოთა აბასაშვილი, შოთა მამიაშვილი, ლავენტო ქურდაძე, ჟორა თვლიაშვილი, ვოვა გარშოვი, გურამ თოდრია. გუნდის მწვრთნელი ტანო ჭუმბურიძე, გუნდის კაპიტანი ალექსი გოგოლაძე.

თამაზ ლაცაბიძე

(გაგრძელება იქნება)

----- გამოხმაურება -----

# მერიის პასუხი

გვხმაურებით სოციალურ ქსელში „მომავლის სახლის“ მხარდაჭერასთან დაკავშირებულ კამპანიას. პირველ ყოვლისა, აუცილებლად ხაზგასმით აღვნიშნავთ, რომ „მომავლის სახლის“ ხელმძღვანელებს, ბენეფიციარებს თუ მათს მშობლებს (ვუდასტურებთ ჩვენს პატივისცემას) მუნიციპალიტეტთან კომუნიკაციის პრობლემა არ აქვთ. სწორედ რომ პირიქით. ამიტომ, გვჯერა, რომ ნებისმიერი გაურკვეველობის თუ პრობლემის მოგვარება სწორედ მათთან პირდაპირი კომუნიკაციით არის შესაძლებელი და ასეც იქნება.

მუნიციპალიტეტი არსებული რესურსებიდან და შესაძლებლობებიდან გამომდინარე, მაქსიმალურად ცდილობს დაეხმაროს სხვადასხვა საზოგადოებრივ ჯგუფებს. მათ შორის, ერთ-ერთი პირველი რიგის ამოცანაა შშმ პირების მხარდაჭერა. „მომავლის სახლი“ ძირითად დაფინანსებას სახელმწიფოსგან იღებს. დამატებით, ყოველწლიურად, მუნიციპალიტეტი ფინანსურად მხარს უჭერს 18 წლის და მეტი ასაკის 8 ბენეფიციარის მომსახურებას და მუდმივად გამოხატავს თანადგომას იმ ნამდვილად საპატიო და მნიშვნელოვანი საქმი-

ანობის მიმართ, რასაც „მომავლის სახლი“ ეწევა და სხვადასხვა დღესასწაულსა თუ ღონისძიებაზე, იქნება ეს ჯომარდობის ტურნირი, საშობაო გამოფენები თუ სხვა მნიშვნელოვანი ღონისძიებები, მუდმივად ცდილობს „მომავლის სახლის“ ბენეფიციარების წახალისებას.

მიუხედავად მუნიციპალიტეტის დიდი სურვილისა, სამწუხაროდ, ვერ მოხერხდა „მომავლის სახლის“ კომუნალური გადასახადებით უზრუნველყოფა, რადგან ორგანიზაციამ ვერ მოახერხა მერიაში სათანადო დოკუმენტაციის წარმოდგენა. აქვე ვადასტურებთ, რომ ეს შეთავაზება დღესაც ძალაშია და მოწვევრივად დოკუმენტაციის წარმოდგენის პირობებში, საკითხი აუცილებლად გააქტიურდება.

რაც შეეხება ფართის გადაცემის პრობლემას: მუნიციპალიტეტს ეს საკითხი დღის წესრიგიდან არ მოუხსნია, თუმცა, სამწუხაროდ, ეს არ არის ის შემთხვევა, როცა პრობლემა ერთი ხელის მოსმით შეიძლება გადაწყდეს. საქმიანობის სპეციფიკიდან გამომდინარე, „მომავლის სახლისთვის“ შესაბამისი ფართის მონახვა დაგეგმილზე ხანგრძლივი პროცესი აღმოჩნდა.

მუნიციპალიტეტისთვის თითოეული მოქალაქის, და რა თქმა უნდა, „მომავლის სახლის“ ბენეფიციარების და ადმინისტრაციის ინტერესების გათვალისწინება მნიშვნელოვანია, ამიტომ გავაგრძელებთ მათთან თანამშრომლობას, რაც აუცილებლად მიგვიყვანს ოპტიმალურ გადაწყვეტილებამდე.

— დიდთოვლობა —

## უხვი ნალექის მიუხედავად, სოფლების მისასვლელი გზები არ ჩაიკეტა

დაგვიანებულმა თოვლმა, თებერვალში გამოიჩინა თავი და უხვი ნალექით დაგვაჯილდოვა. მიუხედავად იმის, რომ მოსახლეობა სიხარულით შეხვდა პირველ თოვლს, პრობლემები მაინც შეიქმნა გადაადგილებასთან დაკავშირებით. დასუთავების სამსახური, უწყვეტ რეჟიმში, დილის ხუთი საათიდან, თავდაუზოგავად წმენდდა ქალაქის უბნებს და სოფელთან მისასვლელ გზებს.

**ზურაბ ნოზაძე**, ა(აიპ) „ხაშურსერვისის“ დირექტორი:

— უხვი ნალექმა გარკვეული სახის პრობლემები შექმნა ჩვენს მუნიციპალიტეტში. 14 თებერვალს მოსულმა თოვლმა, გაართულა სოფლებში მისასვლელი გზები. ყველაზე დიდი პრობლემები შეიქმნა წაღვლის, ნარვანის და სურამის ადმინისტრაციულ ერთეულში. წაღვლში, დიალექტზე მყოფ მოსახლეობას შეექმნა სოფლიდან გამოსვლის პრობლემა, რადგან ტრანსპორტის მოძრაობა შეფერხებული იყო. თუმცა, მინდა ვთქვა, რომ უხვი ნალექის მიუხედავად, გზები არ ჩაკეტილია. ათი ერთეული ტექნიკა იყო აქტიურად მუშა მდგომარეობაში. პრობლემა ამ ეტაპისთვის თითქმის მოხსნილია, ბოლო დღეებში გაიწმინდა სურამი, ნარვანი, ჩორჩანა, წაღვლი, ცივწყარო, ქემფერი, ხალეები, ყელეთი. უფრო მეტი იყო პრობლემები მაღალმთიან სოფლებში, სადაც აქტიურად, ყოველდღიურ რეჟიმში მიმდინარეობდა გზების წმენდის პროცესი.

ასევე, ყოველდღიურ რეჟიმში ხდებოდა ტექნიკური მარილის დაყრა ხაშურშიც. ძირითადად წაღვლის ადმინისტრაციულში, ბეკამში, ცოცხ-



ნარის გადასახვევთან იყრებოდა. ჩვენი სამსახური დილის ხუთ საათზე იწყებს მუშაობას, ჯერ გრეიდერით იწმინდება ქუჩები, შემდეგ უკვე ტექნიკური მარილი იყრება.

მზად ვართ მოსალოდნელი დიდთოვლიანობისთვის. სამომავლოდაც, ვფიქრობთ, შევიძინოთ შესაბამისი ტექნიკა, რომ საკუთარი ძალებით შეგძლოთ ნებისმიერ პრობლემასთან გამკლავება.

## ბაკურიანში, მსოფლიო ჩემპიონატზე, ხაშურელმა მეწარმე ქალბატონებმა საკუთარი ნაწარმი წარმოაჩინეს

18 იანვარს, ბაკურიანის მსოფლიო ჩემპიონატის გახსნას ხაშურელი მეწარმე ქალებიც შეუერთდნენ.

ხაშურის მუნიციპალიტეტის მერიის, საკრებულოს და გენდერული თანასწორობის საბჭოს ხელშეწყობით, მათთვის საგამოფენო-სავაჭრო სივრცე და ტრანსპორტი გამოიყო.

მეწარმე ქალებს საშუალება მიეცათ საკუთარი ნაწარმის წარმოჩენისა ადგილობრივებისა თუ ჩამოსული სტუმრების წინაშე, რაც კიდევ ერთი წინგადადგმული ნაბიჯია მათი საქმიანობის პოპულარიზაციისათვის.

სასიხარულოა, რომ გამოფენაში ხაშურელ სტარტაპერთა ფართო სპექტრი მონაწილეობდა: „ხემსი“, „დოშკანა“, „მკერვალი“, „ნამხურები“, „დევედარიანების მარანი“, „ჩოკოლატლი“, „ნატუსი“, „ქარგულობა“, „ტკბილცხოხილა“, „შინდარის დედათა მონასტერი“.



— მუსიკა —

## სიმებიანი კვარტეტის კონცერტი

ხაშურის სამუსიკო სკოლის საკონცერტო დარბაზში, დღეს, 21 თებერვალს, სამუსიკო სკოლასთან არსებული სიმებიანი კვარტეტის კონცერტი გაიმართა.

კონცერტში, ასევე, მონაწილეობდნენ პედაგოგ ფატი სადალაშვილის მოსწავლეები: ანამარია სამხარაძე, ოთო ფრუიძე და დემეტრე გელაშვილი.

კონცერტმა მსმენელის დიდი მოწონება დაიმსახურა.

ღონისძიების ორგანიზატორი იყო ხაშურის მუნიციპალიტეტის მერია და სამუსიკო სკოლა.

სასიამოვნოა, რომ ხაშურის სამუსიკო სკოლა მუდამ ცდილობს მაღალ ხელოვნებას აზიაროს ხაშურელი მსმენელი და როდესაც ამ საქმეში მომავალი თაობაც ჰყავს ჩართული, ეს უკვე ორმაგად სასიხარულოა.





ჩვენში ქალაქის ცენტრში მდებარე ეს სამუზეუმო ექსპონატი - პირველი ისტორიული ელმავალი, სულ ჩქარა, საუკუნის გახდება. და ვიდრე დიდ იუბილეს იხეიმებს, ხშირადაა ასე „ფიჭრებში“ და ამ ზამთრის დღეებში ალბათ თავის დიდ წარსულს და ახალგაზრდობას იხსენებს.

ფოტოს ავტორი: ნიკა კიკაძე

მწერლობა

### შეხვედრა ახალგაზრდა შემოქმედთან



მართლაც ლიტერატურულ აფეთქებას ჰგავდა იმ დღეს მუზეუმში გამართული შეხვედრა უნიჭიერეს ახალგაზრდა ავტორთან ლექსო კაკიაშვილთან. სამუზეუმო სალონისთვის განკუთვნილი სივრცე ხალხს ვერ იტევდა, იყო ზღვა ემოცია და ხაშურელი ლიტერატურის მოყვარული საზოგადოების წინაშე პირველად წამდგარი ახალგაზრდა მწერალი, რომლის ყოველი ფრაზა იყო სლოცვად გულწრფელი და მაღალი ნიჭიერებით აღბეჭდილი. მისთვის უდიდესი მნიშვნელობა ჰქონდა თუ რას იტყოდნენ მასზე, მის ნოველებზე მკითხველუ-

ბი, როგორ შეაფასებდნენ, რას უსურვებდნენ. ამიტომაც ყველა სიამოვნებით ელოდა მკითხველთა აზრს. თავდაპირველად ლექსოს პირველ პუბლიკაციებზე მსმენელს მოუთხრო გაზეთ „ლიტერატურული ხაშურის“ რედაქტორმა, გამონე-ნილმა პოეტმა ეკა ბაქრაძემ, „ლიტერატურულ გაზეთში“ გამოქვეყნებულ ნოველებზე ძალზე შთამბეჭდავად ისაუბრა ლიტერატორმა და თავადაც ჩინებულმა მწერალმა იამზე შავიძემ, ჟურნალ „ცისკარში“ გამოქვეყნებული მოთხრობების შესახებ ჩვეული სიღრმითა და დამაჯერებლობით მოუთხრო მსმენელს მუზეუმის ფონდების მთავარმა მცველმა, მზია ლობჯანიძემ, ხოლო აღმანახ „პირველ სხივში“ დაბეჭდილი ლექსოს ნაწარმოებები მიმოიხილა მაყვალა ხანიძემ. ლექსოზე, როგორც მეგობარზე და მსახიობზე, მსმენელებს ესაუბრა სახალხო თეატრის მთავარი რეჟისორი გურამ კაპანაძე, გულთბილად მიმართა ავტორს სამუზეუმო გაერთიანების მმართველმა თამაზ ლაცაბიძემ, სანტერესო იყო ცნობილი მხატვრის, ჩვენი თანამემამულის ელენე გამგონიძის გამოხვედრა. ბოლოს კი სადამო ძალზე შთამბეჭდავად შეაჯამა ხაშურის მუნიციპალიტეტის საკრებულოს თავმჯდომარემ ნინო ლიპარტელიანმა. შეხვედრას ესწრებოდნენ კულტურისა და სპორტის სამსახურის ხელმძღვანელი კოტე ფრუიძე, გიორგი კერესელიძე, ამ სფეროს წარმომადგენლები სარაიონო კულტურის სახლიდან, პედაგოგები, საზოგადოების წარმომადგენლები. ვფიქრობ, ყველა მოხიბლა და ჩააფიქრა ლექსოს მიერ წაკითხულმა ნოველებმა თუ ლექსებმა. იყო თებერვლის თოვლიანი დღე, ხოლო ხაშურის მხარეთმცოდნეობის მუზეუმში შეკრებილი საზოგადოების გულეში იდგა გაზაფხულის ყველაზე თბილი და ალერსიანი ამინდი.



ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი და გაზეთის რედაქტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.  
E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.  
D-ით მონიშნული სტატია იბეჭდება დაკვეთით გაზეთი იბეჭდება თბილისში.